

BIBLIOTEKA
SHTETIT

85H-1
G 61

VJERSHA



MAJI I ZAMBAKËVE

RUZHDI GOLE

854-1
g61

RUZHDI GOLE

MAJI I ZAMBAKËVE



SHTËPIA BOTUESE «NAIM FRASHËRI»

B E T I M

Duke u përkulur mbi varrin e një partizani
do të më gjeni në çdo 5 Maj,
duke prekur kreshtën më të mprehtë,
do të më gjeni në çdo 29 Nëntor,
duke ndier zemrën e atdhetarëve
do të më gjeni në të gjitha ditët,
duke përqafuar nënën time
do të më gjeni në çdo mbrëmje,
duke ecur me të dashurën
do të më gjeni disa çaste,
duke vigjeluar te kufijtë e atdheut
do të më gjeni gjithë jetën.

PËR ATDHEUN TIM

Atdheu është yni,
që nga piramidat gjer te muranat tonat,
atdheu është yni,
që nga gryka e tankut gjer tek autokombajnat,
atdheu është yni,
që nga dhembja e nënës gjer te foshnja që lind,
atdheu është yni,
që nga fëshfërima e barit gjer te perëndimi i diellit,
atdheu është yni,
që nga toka gjer në qiell, që nga toka gjer në det,
sepse atdheu është prindi ynë
dhe prindi s'i harron kurrë bijtë që ka lindur,
sepse bijtë janë fytyra e vërtetë e tij
dhe e shekullit që jetojmë.

KUR IKI NGA VLORA

Me kokën të kthyer përgjysmë nga ti,
me një pjesë zemre nëpër rrënje ulliri,
me një valë përplasur përmbi sup e gjoks
me një puthje lënë ku flë Teli Ndini.

Sa zgjerohet deti, kur iki nga ti,
sa skuqin gjethet, pjergullat e tua,
sa shpejton era të arrijë tek unë
të më sjellë pas fjalët që më thua.

Me kokën të kthyer përgjysmë nga ti,
shkrirë zemër me zemër edhe sy më sy.

PËR MINATORËT

Shpesh ata i merr malli për qiell të kaltër,
gjer në mbasdite ai s'është në sytë e tyre,
kur afrohen te tuneli ngrenë kokat lart,
pesë minuta rrinë të heshtur në hyrje.

Me kasketat mbi krye largohen çdo mëngjes
dikush nga nëna, nga motra, nga e dashura,
s'e masin ata veten me peshën e rrogës,
po me djersën që u kullon mbi shpatulla.

Uzinat tona moderne dhe Metalurgjia e Zezë
kanë dalë dhe janë rritur nga kjo thellësi,
zëri i minatorëve nis e oshëtin,
që nga galeria e gjer në ministri.

Ata janë të heshtur. Tetë orë më këmbë
poshtë peisazheve ngjyrë gri e të ashpër,
që ne të mos na mungojë pushka dhe buka
të mos na mungojë ky qiell i kaltër.

EPIKË

Katër djem të bukur
zambakë ngá gjaku,
ylber i këputur
Mumini¹⁾ te pragu.

Hajredin Bylyshi
shtrirë nën hardhi,
sokëllimë mali
dy buzët e tij.

Dega e hardhisë
përmbyt te pusë,
është trupi i njomë
i Hiqmet Buzit.

Flë gjokshapur
Bajrami i skuqur,
zambakë nga gjaku
katër djem të bukur.

1) Heronj të Luftës Nacionallirimtare.

PUNÉTORÈVE

Unë i vetëm s'mund ta ndërtoj një qytet
sado i pashtershëm qofsha në krahët e mi,
erërat që do fyrnin, shirat e pareshtur
do të sillnin kujën tragjike të rrënimit të tij.

Kur ju vini duart tuaja mbi të
sado shi të bjerë, sado erë të fryjë,
do të përplaset, thyhet mbi forcën e shpatullave tuaja
dhe në themelet e qytetit kurrë s'do të hyjë.

19.09.2017. 14:00:00
Digitized by srujanika@gmail.com

DREJT VERIUT, DREJT VERIUT

Era bërtiti dhe vrapi nga pyjet,
ndërsa akujt shkrijnë mbi shpate dhe pemë,
këtu të gjithë kanë ballin e malit Vermosh,
këtu të gjithë flasin gjuhën e lumi Cem.

Pleqtë flasin përfushat nën një avull të ngrohtë,
përbukën e parë që presin mbi tavolina,
përvajzat që presin t'u kthehen nga universiteti,
qiejt përcjellin dallëndyshet e fundit,
të dashuruarit njëri-tjetrin.

Më afër i ndiej shokët,
me shokët ngjitem gërxheve, me ta zgres udhëve,
tani ne po rritemi dhe peshën e burrit e ndiejmë
te thinjat,
në dashurinë e singertë përfëmijët dhe nuset.

Era bërtiti dhe vrapi nga bjeshkët
mbi gjoksin tim dhe të malësorëve vërshëllen,
këtu të gjithë kanë ballin e malit Vermosh,
këtu të gjithë flasin gjuhën e lumit Cem.